

四庫全書

經部

饒歌清樂章

九龍旃第一

九龍旃旌旗列宿懸龍角天田見箕翼常舒展龍尾更  
連蜷牽牛近帶房心建東壁耀星躔一解婉孌奎文麗日  
天階現參旗曳九旒玉井珠駢柳七星曲曲如鈎卷和  
門啓萬幕褰



宅皇威第二

宅皇威好山如障翠屏圍  
凝樹色烟成縷鎖嵐光雲漸  
低回峻嶺絲韁徐按度崇岡  
玉勒輕提龜背鎧滲金盔

月明風曳素綃旗

解一

靖邊陲為思將帥鼓征鼙嫻八陣

齊九伐用三驅式九圍撼山岳  
風雲動色固封疆鸛鶴

爭奇驅騾裹跨織驪日輪高擁杏黃旗

解二

奠鴻基百年

不用是王師在園囿麟和鳳貢琛球航與梯  
因農隙講求獮狩際時和訓練熊羆獅蠻帶  
錦襴圍晴雲不動絳

紅旗

三解

太平時狼烟不設羽書稀四郊外無烽壘四民

中多壽耆枌榆社我田我稼羽林郎如虎如貌短後服

曼胡垂遠山一抹蔚藍旗

四解

綠陰中凱奏歌聲美蘆管

清笳沸四海樂昌期萬國圖王會馬如龍迤邐車如水  
馬如龍迤邐車如水

整貌貅第三

整貌貅順天因地依山建壘制勝爭奇鄭鵠越鴈鸛鶴  
兼魚麗箕翼張舒常山形勢用神機太乙陰符秘先天  
遁甲奇牝牡方圓縱橫斜銳變化從心起左鉅戈右雄  
戟朱矰丹羽去志歸朝陽舒畫旗柳葉貼青驪車書萬  
里同文軌



河清海晏第四

河清海晏花村犬不喧講武訓戎旃幕府多雄健  
鉞鈴有祕傳虎旅列戈鋌村炊藹暮烟鉦鼓競喧闐  
郊原自晏然轟雷掣電端的是有征無戰有征無戰



欽定四庫全書

卷六十

輦路平第五

輦路平錦隊開寶纛懸日麗風和瑞氣鮮前旌載鳴鳶  
春旗曳柳烟遙聽處喚晴鳩啼杜鵑寶劍琱弓綰紛在  
後先氣雄邊花飄柳葉羈鞭敲錦連錢鉦鼓聲隊隊悠  
揚出遠天農夫自力田村童自笑喧望前驅早度夕陽  
川望前驅早度夕陽川



景清明第六

景清明萬景蘇雲物煥皇圖集禎符羽儀絡繹在春田  
駐羽儀絡繹在春田駐



聖武光昭第七

聖武兮光昭玉燭兮調夏猶冬狩建旌旄曳虹旂四方  
永定樂清朝琬弧久已橐龍泉久已韜勾陳翊衛天樞  
耀兩階干羽格有苗掃盡欃槍舞舜韶中天泰交文教  
敷敷文教



皇風泰第八

皇風泰景物妍  
玄虬奕奕辰旒  
建靡畫旃行爐  
霽細烟落花香  
印馬蹄圓落花  
香印馬蹄圓



欽定四庫全書

卷六十

慶雲呈第九

慶雲呈霞光絢晴鳥啼芳甸柳芊綿風來絮顛柔絲罥  
盛世多清晏頌堯年祝堯年

欽定四庫全書

卷六十

象天行第十

象天行玉輦金根扈宸遊萬騎雲屯角弓笳鼓聲相競

美車攻之子于征簡車徒有聞無聲

解

際升平清眎芳

騰慶三農百室盈寧羽旂芝蓋參差映念民依還厪皇

情樂清時盡戴皇仁



虹流華渚第十一

虹流華渚星輝電遶樞慶長庚燦爛祥雲汜濩羣皇圖  
永固非烟非霧非烟非霧東海扶桑日裏金烏蕭索輪  
囷樓臺殿宇天酒凝甘露烟雲杳靄中廣樂鈞天盡向  
風前度時清每賜酺民樂還蠲賦喜隨天仗蹒蹒濟濟  
幾多鸛鷺

[illegible]

皇都無外第十二

皇都無外更日月光輝一統車書祥麟在數鳳來儀貢

筐篚玳瑁文犀聞說青雲千呂島嶼平夷是中土聖主

當陽喜輦下還將八景題

解

蘆溝月曉更西山雪霽瑞

色熹微金臺夕照曳斜暉太液池萬頃玻璃還有居庸

疊翠峻嶺崔巍崔巍玉泉虹瓊島春雲薊門外空濛烟

雨飛





夏諺歌第十三

夏諺歌聲徧九垓又見山重複水縈迴相風高指靜塵埃這的是萬國春臺歌元首明哉歌股肱良哉懋哉庶事康哉喜鑾輿到來喜鑾輿到來靡魚須桑麻畚耨度高原龍旂沛沛鬯宸襟週覽徘徊鬯宸襟週覽徘徊識民心愛戴民俗和諧華封人祝三多紅日近堯階從今後祝皇圖千秋萬載



芳塋曲第十四

看取芳塋錦甸長  
楸古道細柳清泉風來霹靂拓弓弦  
日華組甲飛晴練吟猿落雁垂楊已穿紅陽紫燕蟻封  
又旋軍容煜燿如雷電解一畋獵無非習戰車攻四牡王  
制三田五祀曾詠召南篇七騶用戒司徒演獸肥草淺  
龍旂有虔批頤扼頤虎賁載旋駕言行狩遵先典



渥洼曲第十五

渥洼中珠霧氤氲天產龍媒苑蓄祥麟命臧圉辨其物  
色時其芻秣萬騎駢駢瞳夾鏡竹批耳峻權協月風入  
蹄輕綠蛇衛轂紫燕駢衡騁長途人馬相得如聖主之  
得賢臣



美留都第十六

美留都崇儉法陶唐大政當陽十署雁分行諮諏政事  
肅官常飾槐檻無煩刻鏤列芬櫟無取焜煌珊瑚琳碧  
何似茅茨土牆符帝車太乙運中央紀元建號承天貺  
啟皇圖居尊馭極從民望靈臺雲物紀嘉祥五緯麗文  
昌覃四國迄八荒瞻雲就日咸歸向詠德歌風壽且康

一解

金墉屹立平原曠佳氣皇居壯天文屬尾箕地脉開

蓬閣鬱葱葱與柱軸同輪廣鬱葱葱與柱軸同輪廣





溯興京第十七

溯興京寶帝鄉艱難開叔奠中原覆萬方太平休養水  
源木本繼序不忘我受命溥將率由舊章勤祀典不愆  
不忘無怠無荒維新舊邦輯瑞玉載弁奉璋來享來王  
一輪紅日擁扶桑廣樂記鏗鏘歌宴鎬蒞明堂雲移北  
斗成天象酒近南山作壽觴覃四國迄八荒瞻雲就日  
咸歸向詠德歌風壽且康

解一

周岐漢沛寧相讓綠水環

青嶂龍興氣蜿蜒牛渡波滌漾覲天顏和日霽胥瞻仰

覲天顏和日霽胥瞻仰

格皇天第十八

格皇天順民心聲靈赫濯雲霓望明丁百六餘分閏位  
穢濁天常肅天威一掃欃槍定兩翼列旌旂分八行黃  
白紅藍如砌錦東西相次自北而南如山嶽各為一行  
握奇經天玄地黃四奇四正包羅造化洞陰陽風雲離  
合無恒象縱橫八卦變化無方握神機位在中央法河  
鼓先登上將左九星如珠斯貫右九星屈曲如匡中權  
玉斗安牙帳礪戈矛器甲精良勲臣功績在旂常變伐

藉鷹揚廟算長軍容壯指揮大定牛辭阜棧歸桃野馬

脫金羈卧華陽

一解

師貞協吉天成象聖武兵須講威加

四海清恩逮千夫長看中林置肅肅干城將看中林置

肅肅干城將

大凌河第十九

大凌河爽塏高明被春臯細草敷榮擢纖柯首偕秋來

盛

解一

溜春泉淙淙玉聲匯廣澤水淨沙明注遼河一派

澄如鏡

解二

曠平夷颯爽風清際朱明暑退涼生謝炎囂

飛蚊知避境

解三

宜畜牧牡馬在垆甘水草虻蚋不驚歲

蕃孽芻秣無違性

解四

選龍媒曜采何精翻紫燕聳鬣長

鳴或乘流沂淺過沙汀

解五

志倣儻產自幽并控奚官首

絡黃金或輕猥萬里志長征

解六

或蹄跼憑驕怒生或偃

臥豐草長林或就浴漱灑玻璃淨

解七

或繫樹身閒體輕

或俯齧沙肥草馨或驚馳似畏珊鞭影

解八

或舉足遲回

未行或競步浮雲共征或駢驪躑躅青莎徑

解九

或權奇

高顙露睛或深穩步遠視明或攜駒汗血天池孕

解十喜

昌時澤馬效靈十二閑並毓房精駕鼓車遠方還納賁

解十一

萬年基海宇清寧卓飛黃鸞輅和鳴簡巡遊不貴

陶駢駿

狩于原第二十

狩于原素節商秋日華宣月金波山川如繡曳明月靡

魚須用三驅載馳載驟

解一

騾褭驂如舞遠衢去若流亭

童羽葆遵靈囿月滿烏號勁沙融露草柔

解二

師執提工

執鼓夏苗迄春蒐穀麇頽贅猛愁太白其左天狼右夙

駕于原殲禽殪獸

解三

言觀其旂參偃風旂言觀其馬乘

翳玉蚪縱戟子希紕講獸驚人怒聲秋秋獵圍日落風

悠悠

解四

雨獸風禽貫脇搏喉目電閃腥雲浮濡濡一呖



吹劍首序屬三秋嚴凝氣擊木葉山寒翠幄稠

解五

孰矢

箛之於維繁弱弓孰縻嗽之於維屈盧矛以作六師緊

豈從禽謀亶帝德煥神猷泰階奕奕綵乾紐

解六

紅雲隨

過輦紫氣傍行輶山似黛水如油清切鳴笳馬上謳伊

州涼州華鯨撞處靈夔吼

解七

習五戎命七駟司徒搢扑

施車寧揚清鞞著岑牟獸臣拜賀同于狩一歲三田昭

典禮豳歌狐貉為公裘

解八

雲峯繞宸幄稠臺發五祀奉

時辰牡僊僊俟俟如山阜面傷禽不獻蹄揜迹斯求貴

仁賤勇垂王猷

解九

馳深鼓利械趨險驚飛輜塞蠟蝓城

瑩篋既長既溥肇公劉震撼萬國鞏千秋

解十

苞枿兌矣

析木之陬於穆原廟皇矣珠丘時祭涓孝饗對揚錫宏

休薦芳還講武玉輅統貔貅

解十一

鴨綠之江綠波流長

白之山白雲浮于京斯宅東序陳天球法駕蒞陪都颺

喬颺道游湯網開三面騶虞化可侔

解十二

九九百尺松

鬱鬱千章楸蛟龍奚遁藏豺兕供羶膻天閑上駟來廷

廡來廷廡造父執靶王良挾輶睥睨周朝八駿遊

解十三

溫都魯幘溝婁量衡王度式膏澤帝功流永千禩光六

幽星分箕尾揭蚩尤靈威震疊兔豈肅肅皆公侯

十四解

午酉吉日諏金德常剛大火流王之士盡好仇王之佐  
升大猷鳳儀廷兮麟在藪獻之天子萬邦其揉

日上扶桑第二十一

日上扶桑皇風鬯日上扶桑皇風鬯湛露滅金莖仙掌

聖天子正當陽丕顯丕承六合中恩膏廣舟車至盡來

王舟車至盡來王覩一統太平真有象

解一

叶車攻詠時

昌一朶紅雲六龍降簇千官驚序萬隊鵷行爭戛擊鉦

鐺丁東紛纒喬旌旗搖漾鴻龐兆姓天顏仰齊道是春

臺上齊道是春臺上

解二

翳華芝排仙仗擁貌貅萬騎騰

驤輝煌從龍應列象紛囂塵環衛鈎陳隔御光紛囂塵

環衛鉤陳隔御光皇威朗夏諺祝吾王遊豫周官紀天

子巡方

三解

王路砥驥康莊除道清塵坦而蕩似觀河刻

玉比蹤陶唐敷教化帝德郵傳奉琛贄臣心葵向鴻龐

兆姓天顏仰齊道是春臺上齊道是春臺上

四解

調玉燭

乾坤清朗幸遭逢時巡狩恩施浩蕩波翻翠潋灩銀

塘壓黃雲歲稔搖繡壤同歡慶豐年綏萬邦

五解

屬車相

望屬車相望選勝徜徉靈風薦爽引鸞旂引鸞旂轉龍

旂飄揚擁耆民歡心合掌天庥和暢稽首頌九如章鞠

脰晉萬年觴

六解

乍洽宸襟延睿賞喜遙臨玉輅翠幌喜

遙臨玉輅翠幌康衢畔擊壤交賡唱聖壽無疆億舜日

矢橐弓韞萬堯年鳳舞麟翔道數天道哀時令典煌煌

風行地筮省方永懷柔時邁其邦省耕斂萬井蒙休養

省耕斂萬井蒙休養猗歟慶熙朝奉聖皇

七解

表裏山河

鴻圖廣洵莫敢不來享條華和鸞旌旆央央化日高懸

正舒長天可參地可兩天可參地可兩

八解

合相輕漢武

橫汾上示從禽懲舍往旃以為轅蘭以為防飭司徒厲

飾軍實壯不以火田不獻面傷駕龍文騰空曠

九解

列斯

青廬還開玉帳秩山川同衡量沾錫賚咸夷暢旌霓旃

虹

叶音絳

奉皇歡休徵疊貺奉皇歡休徵疊貺

十解紫瑞氣

天和釀到處是上林春滿望花傍輦若含嚔含嚔傾珠

囊洗塵鞅奏韶謦典太常霏霧雨卷靄爐香真遍世界

恩流德澤看雕題漆齒咸稽顙懸知紹聖緒邁前王

十一

解

昇平宇宙年豐穰勤補助天工人亮遙聽嵩呼萬歲

長

九五飛龍第二十二

九五飛龍慶時乘九五飛龍久萬里錦江山歸大一統  
今皇紹聖緒克繼豐功望如雲望如雲就是日垂裳端

拱寅亮天工寅亮天工盡梯航齊來朝貢

解一

萬象闡鴻

濛超軼姬風殷頌修文偃武履帝位明目達聰卑唐跨

宋億萬年大寶金甌鞏紉縵縵沆瀣霏微艷晶晶旭日

昭融

解二

閱五載禮成巡狩叶車攻閱五載禮成巡狩叶

車攻練時日鹵簿盛威儀盛威儀未央月曉度疎鐘徐



張雉扇慢啟銅龍紛雜沓千官前導鸞旂聳師師濟濟  
萬靈呼擁奉皇歡五色雲車動從于邁恩澤紀龐鴻從  
于邁恩澤紀龐鴻

解三

時雍萬福聿來同侍臣珥筆從容

杳杳禹甸幾多甘雨和風天顏有喜煥宸章揮灑騰麟

鳳若雲漢倬彼昭回墨寶千秋珍重

解四

或有時甘露珠

垂或有時甘露珠垂或有時醴泉玉涌或有時澤出金

車或有時山開山開得這銀甕惟至聖足有臨兮足有

容誠不顯而篤恭上雲峯鸞輅輕移上雲峯鸞輅輕移

凌日觀條鶴載詠

解五

香爐傍日溫屬車瑞雲湧看野陌

黍禾如梁積祝無疆躋堂幽人頌敷德化民風沕穆喜

到處時和也更年豐編氓遍沾膏雨聽歡呼自南自北

自西東

解六

規制度衡量同式震疊琛球貢率遐邇北暨

恒山率遐邇北暨恒山西至流沙南被交邕典禮咸修

棠華胥叶聲靈神悚信長此獻嘉符振麟儀鳳

解七

百職

猗歟式序百祿宣其式總於繹哉永綏民於皇哉允執

中時巡幸虎賁扈從從律奏聲諧八風從丕冒率俾提

封編民遍沾膏雨樂饗殮自春自夏自秋冬八解重熙累  
洽如天永蕩蕩巍巍臻邛隆翠輦行來紫氣擁

聖德巍巍第二十三

聖德巍巍洽九天大啟文明會景福綿熙和民物更鮮

妍麗紫垣策星夜動鸞旂發郊原

解一

河清海晏王道正

平平思文謨武烈丕承丕顯締造巍然監于成憲其永

無愆

解二

萬方賓服仁風扇義問昭宣雕題鑿齒重譯來

朝獻東風便黃支烏弋識時先更白狼玄菟金馬朱鳶

盡入版輿遠

解三

聲教無邊亘九垓控八埏陟堯封過禹

甸撫殷土歷周原漸被暨訖仰清光北斗高懸

解四

崆峒

山色翠如烟訪道人非遠姑射有神仙飲風吸露綽約

嬋娟乘雲氣御青天有虞氏親巡遍

五解

薰風拂五絃養

恬樂利到處桑麻雞犬含哺鼓腹風光堪羨吉蠲採風

問俗排法駕清蹕稅桑田

六解

遊河五老踰躔紫極光連

袖裏圖書一卷齊向丹陵獻八駿踏雲烟飛雷掣電黃

竹詩篇瑤池清讌

七解

稽古想前賢端垂玉冕屬車香裏

曉發衝開宿霧天霓旌卷蘭生殿佳氣滿平川

八解

岱嶽

齊天七十二君曾駐輦泰山梁父云亭肅然崇封禪金

泥印綠文玉檢留丹篆

解九

羽林周衛錦袍鮮萬騎驂驪

隱見黃雲馬足白日松顛葱蒨貝葉三花石芝五色搖

漾拂寒烟

解十

虹旂彩仗五雲邊柳映旌門在鎬承周宴

鳴鸞幸代旌蓋橫汾中流簫鼓振樓船

解十一

乘乾位在

德之元八卦陳九疇衍皇極居中建聖帝明王一遊一

豫芳躅古今傳

解十二

昇平無事歲三田臨之王制考之

風雅冬狩秋獮先期戒事虞人掌焉後道遊前皮軒璧

貫珠聯

解十三

訓典昭然時巡是五年雲沙輦路草芊芊

德音騰赤縣驪龍作馬日月為旂霜原玉作田盤營風  
軟鏡歌一闋霓舞大羅仙

蹀躞游龍第二十四

蹀躞游龍亭童羽葆蒞止青野翠郊看蕩漾朱旂金璫  
五色瑞雲飄選吉日正麗景含韶好青春是朝廷有道  
好青春是朝廷有道飈輪電燭映星旄洽宸襟詩歌蓼

蕭雲標寶翰摘天藻皇衢慶霽籠霄

解一

恩威闡澤敷八

表百昌萬類咸荷鈞陶西被東漸聲靈遠耀用觀民而

設教元良頌凡有血氣者罔不孚尊親戴甘露降榮光

繞五雲中盡瞻天認赭袍

解二

長路波迴兮峯遶航海梯



山函包茅烏弋黃支絕域齊來到荷天恩涵大造婆娑  
起舞歡欣醉飽舌人重譯感天怙冒一遊一豫民歡樂  
招音作徵與角音君臣賡歌仰熙朝三騎竹童扶鳩老  
萬年清晏匝恩膏回輦深恩承細草

慶皇圖第二十五

慶皇圖肇域燕都重熙累洽聖化覃敷玉燭調金甌固

巡方兮繼述有虞

解一

聖人之生首出庶物握乾符膺寶

籙載歌天保何福不除升恒兮日月居諸

解二

宏九有八

三無惠烝民膏澤涵濡遷善不知衢歌巷舞嘉祥兮磅

礴扶輿

解三

惟天之瑞慶雲甘露日有重光星有連珠惟

地之瑞澤馬山車醴泉兮噴若醍醐

解四

惟草與芝或紫

或朱惟鳳與麟或七或五金船銀甕遊於王所嵩高兮

萬歲長呼

解五

於皇樂胥撫茲疆宇思武之烈思文之謨

念彼車攻載於石鼓吉日兮申用三驅

解六

禮官整儀羽

騎星數有旂有旄有旻有旗為龜為蛇為熊為虎振振

兮匪疾匪徐

解七

習習祁祁和風甘雨稷翼翼黍與與屢

惟豐年食我農夫農夫兮瞻望乘輿

解八

翠華斯舉香惹

御爐白雲出封青雲干呂機槍為闔明月為堵塵清兮

環衛周廬

解九

惟春有補惟秋有助所其無逸以遊以豫

圭璧金錫思我皇度皇皇乎一統車書

解十

相彼東山啟

我土宇奄有四海纘禹舊服聖聖相承以篤清祜卜年

兮無疆之祚

十一  
解

鳳輦所經瀼瀼湛露五行式序庶草

蕃廡帳殿從容鼓吹和愉虎拜兮箕疇斂福

欽定四庫全書

卷六十

萬國瞻天第二十六

萬國瞻天慶歲稔時昌燦祥雲舜日麗中央  
翕河喬嶽紀詩章附輿執靶標星象胥藝極  
復陳常正恩威克壯奉金根陟向奉金根陟  
向帝心昭格皇仁廣和鈴憂擊和鸞響德化  
風行草上刑措兵銷績熙工亮

解一

春省秋

省軫吾皇軫吾皇勾陳肅穆出瑤閭叢花  
練繞時和盛時和盛閃龍旂淠淠揚揚閃  
龍旂淠淠揚揚羽林挾轂驟雲驟式顯印玉  
琢金相

二解

村村繪出昇平象豐亨原

野裕倉箱一自龍輿降九閭  
誅蕩仰龍光風淳俗美泉

水都廉讓都廉讓成功奏遐軌  
邁陶唐

三解

蒞春郊鳥啼

花笑稅桑田晨正農祥繁華觸處艷  
青陽省耕助洵匪

幾匪康

四解

序入朱明當盛長雨肥梅還釀清陰  
麥風涼

喬雲翔眷言萬彙咸萋暢  
芰荷香帶御爐香御爐香聖

情悅豫堪延賞

五解

矚秋原秋氣爽導鑾輿黃菊香初放

躋公堂稱兕觥金風玉露葉滑棠  
萬壽祝無疆

六解

乾亥

風剛異辰日朗禮垂冬狩排仙仗  
時納慶歲迎祥時納

慶歲迎祥沛殊恩沾浩蕩玉輅聽鏘鏘酒醴笙簧飲堯

樽歌舜壤

七解

以豫以休引恬引養黃童白叟欣瞻仰聲

教訖被遐方聲教訖被遐方宣馨香紛拏蠻貊八駿盡調

良雲錦鋪張統車書同衡量統車書同衡量

八解

宸遊睿

藻來天上覃闡澤恩波演漾喜起邁明良雖喈相協響



欽定四庫全書

卷六十

昊天命第二十七

昊天有成命受此丕基武烈文謨式穀是胎臺臺我皇

克纘鴻規敷天哀對罄無不宜

解一

欽若昊天敷時繹思

求民之莫夙夜其咨迄用康年維星協畢與箕既富且

穀迪彼秉懿聖敬日躋帝命式于九圍

解二

憲憲令德抑

抑令儀綱紀四方涵泳聖涯率由前模惠澤勤施民之

攸暨如取如攜如塤如篴迪教不違皇帝聖神天錫英

姿聰聰視明法式生知并包蓄養解慍絃揮仁滂施厚

元氣淋漓千秋萬歲復覲如與姬

解三

百姓昭明五典慎

徽澣濯甄陶沁骨浹肌如彼田矣亦既數菑如彼室矣

亦塗墍茨皇心統天品物咸資維嘉維時樂矣魚麗

解四

翩翩之鴻言漸于逵皜皜之鷺言集于湄藹藹王多吉

士赤芾祁祁束修其躬慎乃樞機左右天子盍簪勿疑

解五

隆然雙闕晏然三陟端拱明堂默運璿璣禮陶樂淑

俗易風移金儀測象玉律定時四野八荒洵不遐遺浚

有離隲有蒞對時育物萬邦是綏省方設教用致雍熙

無封靡於爾邦惟日孜孜

六解

咨我三公及爾庶司豈敢

怠安無平不陂建國親侯王者無私卜云襲吉昆命元

龜農事告成秋以為期倬彼雲漢奎畢井鬼揆文奮武

營壘車騎象緯昭回聖人法之以補以助上繼姚姁億

萬斯年壽考維祺整法駕揚華旂六軍雷動萬馬星飛

白山嶂嶂綠水淅淅騶虞至鳳凰儀于疆于理王心則

怡

七解

渺渺川原坦然逶迤遺秉滯穗如京如坻各峙乃

張以饗我師鳥獸充牣碩大蕃滋莫不震疊永藉保釐

七騶既馭萬衆咸隨鉤鉤鼓鐸幡然旌麾逐獸追禽大  
戟長鉦為鐃為鐃載常載旂左律右鉞平於有司瞻彼  
翠華朱英蕤蕤星旂月鉞錦韉珠殲禮百神奠四維王  
用三驅勿競厥威我求懿德永王保之

解八

張皇六師如

虎如羆天休震動周道驅馳策勲在廟莫不寅威戢干  
韜矢說禮敦詩天子是毗

解九

灼灼芙蓉花粦粦楊柳枝

旌旒婀娜畫龍與螭干盾騰拏逐豹與麋湛湛甘露酌  
以玉卮陛下千萬歲撫御萬國歸銜羈

解十

王會有圖天

葩芬奇爻間赤奕元繚碧基文蜃大螭孔鳥臯雞隄冠  
尊耳露犬星施白鹿黃騏獻其貌皮在彼澤宮璧水瀾  
瀾樹爾侯矣射熊與狸槐宸高聳棘路明熹鳴葭駐罕  
麗日和颶四牡騤騤以車伾伾飲至言歸

十一解

驂四鸞

駕六螭彤雲分五老珠露浥三峴訪姑射拜希夷執衡  
與規循理因資昭假遲遲恭己無為

十二解

誕敷文德懷

柔神祇天命靡謚念茲在茲周原稼穡小民之依蠲租  
賜復王言如絲裁成輔相於鑠純禧首山之陽毋采爾

薇商山之顏毋采爾芝三老五更惠和宣慈有馮有翼

爾性爾彌袒而割牲謙謙是撝示我周行瑟鼓笙吹

三十

解

蠹蠹恒山幽冀之治絳雲紫霞岐岐嶷嶷青書綠笈

神所護持包王孕帝駕軒鑠義玄泉神草瑞勒豐碑爰

命太常爰詔后夔式祀上帝享以駢犧獻琮璧奏咸池

奎聯壁合星斗陸離洞簫玉琯鳳羽麟差

十四解

中澤有

葵南山有棣豈弟君子佩玉履璫遭逢明盛文煥功巍

三墳五典煌煌麗辭願續雅頌永鎮屢屨





御製律呂正義後編卷六十